

NOVA ORGANIZACIÓN DO TRÁFICO NA URBANIZACIÓN DO PIÑEIRIÑO

O Plan de Humanización do Piñeiriño foi obxecto dunha serie de reunións do goberno local coas comunidades de veciños entre xullo e agosto de 2020. Naquelhas **xuntanzas** acordouse, entre outras cuestións, realizar un **plan de tráfico** que establecería as novas circulacións unha vez que as peonalizacións estean operativas.

Para cumplir con ese compromiso foi contratada a unha **empresa especializada**. A mostraxe, o estudo e a simulación do tráfico realizados, concluíron na recomendación de crear unha **glorieta de 7 metros de diámetro** na intersección da rúa Fontecarmoa con Vistalegre e a Avenida de Cambados.

Segundo os técnicos, isto redundará na mellora da fluidez do tráfico na urbanización do Piñeiriño. Deste xeito, o **tempo medio de viaxe** na zona estudada pasará de 150,66 segundos/km a 87,92 (-77,41%). Igualmente, o tempo de demora/espera para acceder dende o barrio á avenida de Cambados pasará de 78,90 segundos/km a 17,66 (-41,64%). E, neste sentido, o informe revela tamén que **a fluidez do tráfico no barrio non se vería afectada de peonalizarse a primeira mazá** da rúa Camilo José Cela.

Tendo en conta as conclusións da análise do tráfico actual e futuro, e despois de **avaliada polos servizos técnicos de Urbanismo e da Policía Local**, estableceuse a nova ordenación do tráfico que ilustra esta exposición.

Toda a reordenación do tráfico **xirará arredor da rúa de Camilo José Cela**, cuxas obras de **peonalización** van ser adxudicadas en breve cun presuposto de 230.000 euros e un prazo de execución de 6 meses. Ao tempo, estase desenvolvendo o proxecto de **humanización das rúas Cunqueiro, Porto Rey e Fontecarmoa**, por valor de 160.000 euros. A construción da **glorieta** na confluencia de Vistalegre, Fontecarmoa e Avenida de Cambados está en fase de redacción do proxecto; están pendentes de licitación os **camiños escolares seguros** (400.000 €); e xa adxudicada a primeira fase das **ciclovías** (370.000 €). Camiños e ciclovías partirán, precisamente, do Piñeiriño.

O goberno local agradece tanto a **colaboración da veciñanza** á hora de definir os proxectos coma a paciencia que sen dúbida deberá demostrar diante das molestias que calquera obra causa mentres se executa. Obras que, sen dúbida, contribuirán a facer do Piñeiriño **un lugar ánda más agradable** para vivir.



NOVA ORGANIZACIÓN DO TRÁFICO NA URBANIZACIÓN DO PIÑEIRIÑO

